

三洞衆戒文卷上下同

始起心入道三歸戒文出太上

元始天尊告太上大道君曰夫道實而無也動而有也布炁行神衆兆生也抱一含元虛無空寂文應象成包真吐精稟識作狀迴黃化青乘機赴會緣感物情吾故告汝靈耳心聽道者衆物祖首至無生神造化天地日月山川流精散炁無所不之遠而莫極邇難得窮大無不包細無不入經緯宇宙濶洽毛髮守之清虛悟之神明淡泊不渝躁駑勿譁帝在不亡虛通無闕或劫誑易世為莖可以保神可以守身可以治國可以得仙道經師者衆常通也抑惡舉善戒人天也身神命者生妙實也迴元轉化根聖真也身權假也精構炁凝歸於虛寂神附託也道行生存歸於常命自來也飲食呼吸歸於衆罪福結對善惡吉凶從之興殞形生化變幻浮虛不可保久歸之於道經師若赤子歸母衆物依地不可須臾失戒天不用此道不能運行地不用此道不能載植日月不用此道不能明照陰

陽不用此道不能生化鬼神不用此道不能微視君長不用此道不能治理道士不用此道戒不能常在三道神妙長生可守太上大道君稽首上白天尊曰願以此道教諸天人於是煩百和質香奏鈞天廣樂衆真散花誥

天齊到命諸男女伏受三歸依戒

第一戒者歸身上無極大道

第二戒者歸神三十六部尊經

第三戒者歸命玄中大法師

天尊曰三歸戒者天地之樞紐神仙之根柢

發行之初門建心之元光運炁啓靈冥真入

理包羅有象映形無外持之者天地神明慶

快心智耳目開張萬物敬畏六府和樂衆真

衛護群生父母長世不道人神交泰

弟子奉師科戒文

弟子別師經月皆冠帶執簡問訊不得白服弟子別師經宿皆禮拜長跪還亦如之弟子不得向師稱弟子言皆稱名弟子詣師不得專輒而坐命坐方坐弟子不得喚師作道士皆云家師弟子不得犯師名諱若人問不止

下聲卷之弟子不得虐突師左右皆有司察之官弟子見師有過失當於深隱處長跪諫之不得在人前言師是非醜鄙弟子與師言不得高聲大語弟子與師共室不得先卧在後起弟子與師同食不得在師前食聽在前

止弟子問訊師皆當隨其所受高下巾褐執簡不得趣爾白服弟子隨師起居行立皆當

謙卑恭敬不得斯須無敬弟子事師師年少

弟子年高弟子皆應恭敬譬如官長二千石

父母同等不得自恃高貴輕忽於師其聞不

小具在明真科弟子與師同在席坐臨者起

動行止弟子即須倚立不得安然端坐弟子

先未受法戒或炁類齊等或復者年或是姓

從兄弟子孫後詣師受法皆須謙卑恭敬言

皆稱名不得比常弟子與師親服懇懇者皆

不得相為師所以爾者受法皆證三百七祖

父母來監臨子孫所受若違盟九祖考殃

及受法之身弟子不得忿嫉責怒師及懷

恨在心罪科具出明真經弟子詣師請道法

皆當冠帶執簡謹苦求請不得趨爾弟子與

師別經年月朔皆冠帶執簡禮三拜長跪問訊訖復再拜合成五拜別亦如之明各識焉
 弟子不得與師爭口忽忽恚怒弟子事師皆當恭敬不得傲慢無禮罰在明真經中宜各慎之弟子不得與師爭競功名無有推讓之心弟子詣師當請問所受不得論及私鄙弟子事師若遠行遠弟子皆當隨路遠近奉迎不得端坐晏然待師至弟子與師同行不得踐師影慎之弟子與師共在座不得受人跪拜所以爾者座無二尊弟子不得陰行橫勃忿鬪師主弟子若出入及所管作事先諮問於師不得自專弟子事師皆當忠實信實不得猶豫二心弟子不得竊盜發泄師器發中犯師禁戒科律得罪弟子不得背叛師主慎之具在明真經文弟子與師同處不得唾左右慎之弟子侍從師若值賓客弟子侍衛師左右不得高抗大坐與凡俗無別皆入不孝慎之弟子受師法業後玄德成就為人所宗皆當謙下存憶本師勿忘先恩也弟子事師不得輒坐師牀席處所神司之禁也

右弟子奉師科戒合三十六條

三洞衆戒文卷上

正一天師清微弟子 洪百堅 製作



三洞衆戒文卷下

三洞弟子本水信觀道士張萬福編錄

靈寶初盟開塞六情戒文

第一戒者目無廣瞻亂諸華色亡睛失明光不朗徹

第二戒者耳無亂聽混於五音傷神敗正惡聲啼吟

第三戒者鼻無廣嗅雜悉臭腥易有流濁形不澄正

第四戒者口無貪味脂薰之屬濁注五神藏府憤瀆

第五戒者手無犯惡不竊人物貪利入己不不自覺

第六戒者心無愛欲搖動五神傷精喪蒸體發迷荒

天尊言其六戒者身之大患來生男女雖受人形而六情不純未見經教不聞法音形不自覺沉迷罪門致令短促不竟天年長處惡道甚可哀憐故說是戒開度天人善心信向一意歸命尊奉聖教閉諸惡門則形入虛空